



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Acta Synodalia Osnabrvngensis Ecclesiae, Ab Anno Christi  
MDCXXVIII.**

**Brogberen, Johannes**

**Coloniae Agrippinae, 1657**

A.

**urn:nbn:de:hbz:466:1-14298**

## A.

## D E F I N I T I O

Quoad imagines nondum à Sede Apostolicâ Canonizatorum, vel Beatificatorum cum radiis, splendoribus, & laureolis proponendas, vel tabellas, & luminaria ad eorum sepulchra apponenda & cum attestationibus, desuper proponendis, recipienda & asservanda, sive eorum miracula in imprimendis libris enarranda. Feria v. die XIII Martii Anno à Nativitate D. N. Iesu Christi 1625.

In Generali Congregatione S. Romanæ & universalis Inquisitionis habita in Palatio Apostolico in Vaticano coram S. D. N. D. Urbano divinâ providentiâ Papa VIII ac Illustriss. & Reverendiss. DD. S. R. E. Cardinalibus, adversus Hæreticam pravitatem Inquisitoribus generalibus à S. Sede Apostolicâ specialiter deputatis.

**S**anctiss. D. N. sollicitè animadvertens abusus qui irrepsérunt, & quotidie irrepere non cessant in colendis quibusdam cum sanctitatis, aut Martyrii fama, vel opinione defunctis, qui etsi neque Canonizationis, neque Beatificationis honore insigniti sint ab Apostolicâ Sede, eorum tamen imagines in Oratoriis, atque Ecclesiis, aliisque locis publicis, ac etiam privatis, cum laureolis aut radiis, seu splendoribus proponuntur, miracula & revelationes, aliaque beneficia, à Deo per eorum intercessionem accepta, in libris rerum ab ipsis gestarum enarrantur, & ad illorum sepulchra, tabellæ, imagines & res aliæ ad beneficia accepta testificanda, & lampades & alia lumina apponuntur.

§. 1. Volensque proinde huiusmodi abusus, pro debito officii Pastoralis, occurrere, re etiam cum Illustriss. & Reverendiss. DD. Cardinalibus, contra hæreticam pravitatem in universa Republica Christiana generalibus Inquisitoribus, communicata, & mature considerata, ac discussa declaravit, statuit & decrevit, ne quorumvis hominum, cum Sanctitatis, seu Martyrii fama, quantacunque illa sit, defunctorum imagines, aliaque prædicta & quodcunque aliud, venerationem & cultum præ se ferens & indicans, in Oratoriis, aut locis publicis, seu privatis, vel Ecclesiis tam sæcularibus, quam regularibus, cujuscunque Religionis, Ordinis, instituti, congregationis, aut societatis apponantur, antequam ab Apostolicâ Sede canonizentur, aut Beati de-

clarentur, & si quæ appositæ sunt, amoveantur, prout eas statim amoveri mandavit.

§. 2. Ac pariter imprimi de cætero inhibuit libros eorundem hominum, qui Sanctitatis, sive Martyrii fama vel opinione, ut præfertur, celebres è vita migraverint, gesta, miracula, vel revelationes, seu quæcunque beneficia tanquam eorum intercessionibus à Deo accepta continentes, sine recognitione, atque approbatione Ordinarii, qui in iis recognoscendis, Theologos, aliosque pios ac doctos viros in consilium adhibeat, & ne deinceps fraus, aut error, aut aliquid novum, ac inordinatum in re tam gravi committatur, negotium instructum ad Sedem Apostolicam transmittat, ejusque responsum expectet. Revelationes verò & miracula aliaque beneficia supradicta, quæ in libris horum hominum vitam & gesta continentibus, hætenus sine recognitione, atque approbatione huiusmodi impressa sunt, nullo modo approbata censeri vult, mandatque sua Sanctitas

§. 3. Ad horum hominum sepulchra vetuit etiam, ac inhibuit, tabellas, atque imagines, ex cerâ, aut argento, seu ex aliâ quacunque materia, tam pictas, quam fictas, atque exsculptas appendi aut affigi, & lampades, sive alia quæcunque lumina accendi, sine recognitione ab Ordinario omnino, prout supra facienda, Sedique Apostolicæ referenda ac probanda.

§. 4. Declarans, quod per suprascripta, præjudicare in aliquo non vult, neque intendit iis, qui aut per communem Ecclesiæ con-

senſum, vel immemorabilem temporis curſum, aut per Patrum, virorumque Sanctorum ſcripta, vel longiſſimi temporis ſcientiã, ac tolerantia Sedis Apoſtolicæ, vel Ordinarii, coluntur.

§. 5. Vt autem præmiſſa diligentius obſerventur, univérſis, ac ſingulis, tam Ordinariis, quam hæreticæ pravitatis Inquiſitoribus diſtrictè præcipit, ut in ſua quilibet Diœceſi, vel Provinciã ſedulò pervigilent, ne ſine approbationibus prædictis, Imagines cum memoratis ſignis exponantur, aut miracula, revelationes ac beneficia prædicta publicentur, aliavè contra ſuperius diſpoſita ſiant.

§. 6. Transgreſſores verò, ſi Regulares fuerint, privationis ſuorum officiorum, ac vocis activæ, & pãſſivæ, nec non & ſuſpenſionis à divinis: Si verò Clerici Sæculares, privationis pariter ſuorum officiorum, ſuſpenſionis à divinis & ab adminiſtratione Sacramentorum, executioneque ſuorum ordinum reſpectivè, aliisque arbitrio prædictorum Ordinariorum, ſeu Inquiſitorum pro modo culpæ infligendis pœnis plectendo.

§. 7. Qui autem libros impreſſerint aut imagines pinxerint, ſculperint, ſeu quoquo-

modo effinxerint, vel formaverint, ceterique Artifices circa præmiſſa qualitercunque delinquentes, prædicta omnia amittant, & inſuper pecuniariis, aliisque etiam corporalibus pœnis, juxta criminis gravitatem, eorundem Ordinariorum, ſeu inquiſitorum arbitrio afficiantur.

§. 8. Contrariis quibuſcunque non obſtantibus.

§. 9. Et ne præmiſſorum ignorantia poſſit ab aliquo prætendi, voluit, ut Decretum hujusmodi, ſeu illius exemplum ad valvas Baſilicæ Principis Apoſtolorum urbis, ac in acie Campi Floræ affixum omnes perinde arctet, atque afficiat, ac ſi unicuique perſonaliter intimatum fuiſſet.

§. 10. Quodque præſentium tranſumptis etiam impreſſis, manu Notarii publici ſubſcriptis, ac ſigillo alicujus perſonæ in dignitate Eccleſiaſtica conſtitutæ munitis, eadem proſus fides habeatur, quæ præſentibus haberetur, ſi forent exhibitæ, vel oſtenſæ.

*Io. Antonius Thomafius, S. Romane & Univerſalis Inquiſitionis Not.*

### Sequitur declaratio præinfertæ prohibitionis.

**P**oſtmodum verò idem Sanctiſſ. D. N. à quibuſdam revocari in dubium accepit, an Tabellas & Imagines, quas in poſterum offerri contigerit, recipere & antea oblatas conſervare liceret, Sua Sanctitas, quæ tantum modò voluit, occurrendo abuſibus, qui irrepere videbantur, certiorẽ parare viam ad eorum in terris gloriam, quorũ ſanctimoniam divinæ clementiæ placuerit admirandis operibus illuſtrare; re prius cum illuſtriſſ. & Reverendiſſ. D. D. Cardinalibus contra hæreticam pravitatem generalibus Inquiſitoribus communicatã, præſenti decreto declaravit. Quod ſicut nunquam prohibuit, nec ſuæ intentionis fuit prohibere oblationem, receptionemque Tabellarum & Imaginum hujusmodi, ita, ut nulli deinceps hæſitationi locus relinquatur, ſtatuit in præſentiarum & decernit, ut quoties ad aliquam Eccleſiam, aut Oratorium locumve alium publicum ſecularem, ſeu regularem Tabellas, & imagines, aliudve ſimile quiſpiam detulerit, ac interceſſione hominum inter Sanctos vel Beatos non adſcriptorum,

quamvis cum Martyrii, vel Sanctitatis famæ demortuorum, optata ſe impetraviſſe dixerit, liceat Eccleſiaſticis perſonis, Eccleſiarum locorumve prædictorum curæ Præpoſitis, Tabellas & imagines ſive pictas, ſive ex quavis materia fictas, atque alia quæcunque collatæ gratiæ fidem facientia ſimul cum deferentis, aliorumque, qui conſcii fuerint attestationibus accipere, atque approbationibus Ordinariis, ad quos referre ſtatim omnia teneatur, in ſecreto aliquo, ſeorũ ab Eccleſia, loco cuſtodire, ibidemque jam amota collocare & aſſervare, ut ſi quando Dominus talium virorum merita Beatificationis ſeu Canonizationis honore in terris decorare voluerit, extent hujusmodi Sanctitatis qualeſcunque probationes, Apoſtolicæ Sedis judicio tunc examinandæ, contrariis quibuſcunque non obſtantibus.

*Io. Antonius Thomafius, S. Romane & Univerſalis Inquiſitionis Not.*

D E-